

Boddu meahcis

Geasa: Buot luohkkádásit	Gos: Meahcis
Meahccepássa oassi: Luonddus lihkadeapmi	Goas: Gidđa, geassi ja čakča
Oahppanmihttomearit: Oahpahallat ráfot luonddus ja dahkat fuomášumiid jaskatvuodas.	Dárbašat: Dárbbu mielde oahppiide čállindárbbut dahje sárgundárbbut ja čohkkánvuolážat
Bistin: Lea sorjavaš luohkkádásis (sullii 20–45 min)	Olmmošresurssat: 1

RÁVVAGAT

1. Álggus soaba oahppiiguin, man guhká meahcis iežas sajis orrut ja gosa čoahkkanit dan maŋŋá.
2. Dasto atte oahppiide bargobihttán ohcat meahcis, ovddalgihtii sohppojuvvon guovllus, heivvolaš saji orodit. Sadji galgá leat ráfalaš nu, ahte earát oahppit eai oainne dohko. Go oahppi lea gávdnan heivvolaš saji, su bargun lea čohkkát jaska, dahkat áicamiid ja vásihit. Jos oahppi háliida, son sáhtá sárgut dahje čállit su fuomášumiid, vásihusaid ja dovdamušaid báhpárii.
3. Go sohppojuvvon áigi lea gollan, čoahkkanehket oktii ságastallat vásihusain meahcis. Mo orui leat meahcis jaska? Makkáraš jienat gullojedje? Mannet čađa vejolaš sárgosiid ja čállosiid.

Nuorat oahppiin heivvolaš áigi meahcis sáhtá leat moatte minuhtas logi minuhttii, go fas boarrásut oahppiin dat lea eanet. Go sohppojuvvon áigi lea gollan, čoahkkanit oktii ja ságastallat, maid ieš guhtege vásihii ja áiccai ja mo orui leat meahcis jaska.

DUOGÁŠ

Dán áigge mánggain váilu nácka leat okto dagakeahhtá maidege. Olles áigge dáhphuvvá juoidá ja gos nu gullo ruodja. Birrasis leat jámma earát arvadásat, ja telefodna doalvu dávjá fuomášumi eará áššiin. Dán bargobihtta mihttomearrin lea oahppat ráfot ja dahkat áicamiid okto ja jaskatvuodas dakkáraš áššiin, maid ii muđui fuomášivččii.

(bargobihtta álgoálgosaš idea Friluftslivets pedagogik -girjjis)